






Shodno odredbama člana 1. pod 1a, 1d; člana 2; člana 5. i 7. Zakona o računovodstvu i reviziji BiH i MOS, Komisija za računovodstvo i reviziju BiH, na sjednici održanoj u Sarajevu dana 13.04. 2007. godine donijela je sljedeću:

## **O D L U K U**

### **O USLOVIMA ZA STICANJE ZVANJA U RAČUNOVODSTVENOJ PROFESIJI BIH**

I. Ovom Odlukom utvrđuju se USLOVI za sticanje pojedinih zvanja navedenih u Odluci o vrstama profesionalno stručnih zvanja prema Zakonu o računovodstvu i reviziji BiH i Jedinственном Programu testiranja kandidata za računovodstvenu profesiju i to za zvanja:

-  **Certifikovanog računovodstvenog tehničara**
-  **Certifikovanog računovođe i**
-  **Ovlaštenog revizora**

### **Certifikovani računovodstveni tehničar**

1. Profesionalno stručno zvanje **Certifikovani računovodstveni tehničar** podrazumijeva da kandidat ispunjava sljedeće:

1.1. Da ima četvorogodišnju srednju školsku spremu

1.1.1. Ako ima završenu srednju ekonomsku školu, treba da ima dvije godine praktičnog rada na poslovima računovodstva, od čega najmanje jednu godinu na poslovima izrade finansijskog izvještaja, ili tri godine na poslovima vođenja poslovnih knjiga. Prilikom polaganja ispita, stiče pravo na redukciju ispita po Jedinственном programu.

1.1.2. Ako ima završenu neku drugu srednju školu, koja nije ekonomskog usmjerenja, treba da ima dvije godine praktičnog rada na poslovima računovodstva, od čega najmanje jednu godinu na poslovima izrade finansijskog izvještaja, ili tri godine na poslovima vođenja poslovnih knjiga. Prilikom polaganja ispita, nema pravo na redukciju ispita po Jedinственном programu.

1.2. Da položi profesionalno-stručne ispite predviđene za profesionalno zvanje **Certifikovani računovodstveni tehničar**.



**1.3.** Da prihvata prava i obaveze iz Kodeksa etike za profesionalne računovodstvene eksperte, a posebno da prihvata obavezu kontinuiranog stručnog usavršavanja u cilju obnavljanja i inoviranja svojih profesionalno-stručnih znanja, predviđenih za ovaj stepen stručnog zvanja, a shodno članu 6. stav 3. Zakona o računovodstvu i reviziji BiH.

**1.4.** Predmeti koji se polažu za ovaj nivo zvanja:

- ✓ **Uvod u finansijsko računovodstvo,**
- ✓ **Troškovno računovodstvo i upravljačko računovodstvo,**
- ✓ **Upravljanje i komunikacije,**
- ✓ **Informaciona tehnologija i primjene.**

## **Certifikovani računovođa**

**2.** Profesionalno stručno zvanje Certifikovanog računovođe može steći lice koje ispunjava slijedeće uslove:

**2.1.** Da ima univerzitetsko četvorogodišnje obrazovanje ili završenu višu školu;

**2.1.1.** Ako lice ima završen fakultet tada treba da ima najmanje dvije godine praktičnog rada na poslovima vođenja poslovnih knjiga, od čega najmanje jednu godinu na sastavljanju finansijskih izvještaja,

**2.1.2.** Ako lice nema završen fakultet nego samo višu školu, tada treba da ima najmanje četiri godine praktičnog rada na poslovima vođenja poslovnih knjiga, od čega najmanje dvije godine na sastavljanju finansijskih izvještaja,

**2.2.** Da položi profesionalno-stručne ispite predviđene za sticanje zvanja Certifikovani računovođa,

**2.3.** Predmeti koji se polažu za ovaj nivo zvanja:

- ✓ **Poslovno pravo i porezi**
- ✓ **Primjena upravljačkog računovodstva**
- ✓ **Finansijsko izvještavanje**
- ✓ **Revizija i sistemi interne kontrole**
- ✓ **Primjena finansijskog menadžmenta**

## **Ovlašteni revizor**

**3.** Ovlašteni revizor je stručno lice koje ima univerzitetsku školsku spremu četvorogodišnjih studija i zvanje certificiranog računovođe sa najmanje tri godine radnog iskustva u ovom zvanju, te položene ispite predviđene za ovo zvanje.

Ispitima se dokazuje nužni nivo profesionalne stručnosti za samostalno davanje mišljenja o fer i korektnom prikazu finansijskih izvještaja koji su predmet revizije.

Pored uslova iz stava 1. ovog člana, kandidat mora da ima najmanje tri godine praktičnog rada, kod ovlašćenog revizora. Pored toga, ako je radio kod ovlašćenog revizora morao je da radi godišnje na najmanje dvije revizije. O prednjim činjenicama potvrdu izdaje ovlašćeni revizor kod koga je radio kandidat.

Ukoliko kandidat zadovoljava prednje uslove, on mora da prihvati obavezu poštivanja Kodeksa etike profesionalnih računovodstvenih eksperata i stalno profesionalno usavršavanje predviđeno za ovo profesionalno zvanje.

Međutim, u periodu od narednih deset godina, zvanje „ovlašćenog revizora“ može steći lice koje ispunjava odredbe stave 1. ove tačke i položi ispite predviđene za ovo stručno zvanje.

Pored znanja i iskustva utvrđenih za Certifikovanog računovođu, Ovlašteni revizor treba da posjeduje dopunska aktuelizovana znanja o MSFI i Međunarodnim standardima revizije, te tehnikama revizije finansijskih izvještaja.

Program za polaganje ispita za Ovlašćenog revizora obavezno obuhvata materiju iz predmeta:

- ✓ **Napredno upravljačko računovodstvo**
- ✓ **Revizija upravljanja i ispitivanja**
- ✓ **Napredno finansijsko izvještavanje**
- ✓ **Napredni finansijski menadžment**
- ✓ **Strategijski menadžment**

Praktično iskustvo može se sticati prije, u toku ili nakon polaganja ispita, s tim da kandidat ne može steći profesionalno-stručno zvanje dok ne ispuni zahtjeve u vezi sa praktičnim iskustvom.

**II.** Ova Odluka stupa na snagu odmah.

**III.** Izmjene i dopune Odluke vrše se po postupku kako je donesen i osnovni tekst Odluke.

Broj: 28 /07

Sarajevo, 13. april 2007.g.

Predsjedavajući  
Komisije za računovodstvo i reviziju BiH  
Merima Kovačević, dipl. oec c.r.